

VEIÐI

MIÐVIKUDAGUR 14. MAÍ 2014

Barðist við laxinn í þrjá tíma

Blaðamaðurinn Trausti Hafliðason fékk stærsta laxinn í fertugsafmælisgjöf.

SÍÐA 2

Þrjár kynslóðir saman í veiði

Stangaveiði skipar stóran sess í lífi Maríu Önnu Clausen og fjölskyldu og eru öll sumur undirlögð.

SÍÐA 4

Veiðivonin rætist í Útey

Á bænum Útey 1 er hægt að kaupa veiðileyfi, nýveiddan silung og reykt hnossgæti úr gjöfum vötnum héraðsins.

SÍÐA 6



Fékk þann stærsta á afmælisdaginn

Fertugasti afmælisdagur blaðamannsins Trausta Hafliðasonar rann upp bjartur og fagur við Hrútafjarðará 5. júlí í fyrra. Þangað fer hann árlega í lax dagana 4. til 6. júlí. Á stórafmælinu í fyrrasumar háði hann þriggja tíma orrustu við sinn mesta stórlax hingað til.

Þessi ævintýralegi afmælisdagur mun seint líða mér úr minni,“ segir Trausti sem kom auga á stórlaxinn í Hólmahyl.

Veði var með eindæmum góð þetta sumarið og þeir Karl Tómasson, frændi Trausta, fóru á veiðistad neðan við Þjóðveginn hjá Staðarskála.

„Þar aðeins neðar er sjóbleikju-svæðið Dumbafljót og á meðan Kalli frændi renndi fyrir lax ákvað ég að sjá hvort sjóbleikjan gæfi sig á léttu fimmu, sem er silungastöng. Þegar það reyndist ekki vera gekk ég aftur til Kalla og stóð ofan við hylinn þegar ég sá laxinn,“ segir Trausti, sem kallaði strax til Kalla frænda síns að freista þess að ná laxinum.

„Kalli reyndist of langt frá og sagði mér að kasta í staðinn. Ég gerði það af rælni og í vantrú á að laxinn tæki hjá mér en í öðru kasti beit hann á.“

Þegar þarna var komið var klukkan hálf tólf á hádegi en eins og í öllum laxveiðiam er gert hlé á veiðinni frá eitt til fjögur.

„Ég gerði mér strax grein fyrir að laxinn væri mjög stór enda teymdi hann mig fljótt yfir ána og settist pikkfastur í hylinn. Með litlu silungastönginni var virkileg raun að takast á við laxinn og til að gera langa sögu stutta gaflaxinn sig ekki

fyrir en eftir ríflega þriggja tíma stöðugan slag.“

Lofaði laxinum lífgjöf

Trausti var að niðurlotum kominn eftir langa og stranga baráttu með silungastöngina að vopni.

„Laxinn var ótrúlega sprækur þegar hann kom á land. Hann var nýrunninn úr sjó, grálúsugur og feykilega sterkur. Því var baráttuþrekið mikið og hann ætlaði sér ekki að gefast upp. Eftir tuttugu mínútna slag var ég farinn að tala við fiskinn og lofaði að ég myndi sleppa honum í ána á ný.“

Trausti stóð við loforðið við laxinn sem tók agnarsmáa Green Brahan-flugu og mældist 90 sentimetrar langur.

„Ég hafði miklar áhyggjur þegar laxinn kom á land því þetta var alltof löng baráttu fyrir fiskinn. Það tók mig fáeinar mínútur að koma lífi í fiskinn aftur og eftir örskotsstund á bakkanum dýfði ég honum aftur í ána og klappaði honum og ruggaði. Loks tók hann við sér og fór beina leið aftur í hylinn.“

Trausti segir tengsl verða á milli veiðimanns og fisks þegar átökin dragast svona á langinn.

„Ég fékk því mikið út úr því að gefa laxinum líf og fékk gæsað



Trausti með þann stóra í fanginu, báðir orðnir úrvinda eftir ríflega þriggja tíma slag.

MYNDIR/ÚR EINKASAFNI

þegar ég sleppti honum aftur. Ég óttaðist mjög að hann hefði þetta ekki af því það er erfitt fyrir fisk að berjast fyrir lífi sínu í þrjár klukkustundir. Vitaskuld á maður að vera með útbúnað sem hæfir hverri á en aðstæður voru þannig að allt gerðist þetta óvart. Með þyngri línu og stærri stöng hefði veiðin tekið mun styttri tíma.“

Langar að slást við stærri fisk

Eftir laxveiði lífs síns sofnaði

Trausti sæll og úrvinda í snotru veiðihúsi austan við Hrútafjarðará.

„Laxinn var aldrei freistandi í afmælismat því laxar af þessari stærðargráðu eru ekkert sérstaklega góðir til átu. Það er líka regla í Hrútafjarðará að sleppa þarf öllum fiskum sem mælast yfir 70 sentimetrum.“

Afmælisdagur Trausta varð enn sætari þegar bræðurnir Svavar og Björgólfur Hávarðssynir gáfu



Baráttan við laxinn tók á enda heilir 90 sentimetrar að lengd.



Til að setja punktinn yfir i-ið flæktist línan og þurfti að taka hjólið af. Þarna reyna Björgólfur og Njörður Árnason að leysa úr flækjunni, sem tókst.

honum bók sem þeir skrifuðu í sameiningu um laxinn og myndskreyttu með myndum úr veiðiferðum þeirra félaga, innbundna og gefna út í fjórum eintökum.

„Allt var þetta mikið ævintýri og fjöldi fólks sem fylgdist með af árbakkanum. Þrátt fyrir stórfenglega lífsreynslu vildi ég þó alls ekki lenda í þessu aftur með svona léttu stöng en ég slægi þó ekki hendinni á móti því að slást við 100 sentimetra lax þegar fram líða stundir.“

Frístundaveiði vinsæl

Frístundaveiði hefur notið mikilla vinsælda víða um land. Ferðamenn, jafnt innlendir sem útlendir, hafa sótt í þetta sport í auknum mæli. Frístundaveiðar eru leyfisskyldar og eingöngu er heimilt að stunda þær með sjóstöng og handfærum. Leyfin eru veitt aðilum í ferðaþjónustu. Leyfin eru háð tilteknum fjölda fiska á dag á hvert handfæri eða sjóstöng án þess að aflinn reiknist til aflamarks. Aflann má ekki selja.

Frístundaveiðar er vaxandi þáttur í ferðaþjónustunni en þær hófust á Vestfjörðum árið 2006. Veiðarnar hafa gefið milljónir í ríkissjóð. Heimilt er að stunda fiskveiðar í frístundum til eigin neyslu.



Sjóstangaveiðimenn sigla frá Suðureyri.

Útgefandi: 365 miðlar ehf., Skaftahlíð 24, s. 512 5000

Umsjónarmenn auglýsinga: Atli Bergmann, 512 5457, atli.bergmann@365.is

Ábyrgðarmaður: Jón Laufdal.



Birkir Mar Harðarson, starfsmaður Útilífs Glæsibæ, með eina af hinum frábæru TFO-veiðistöngum.

MYND/STEFAN

Ein skynsamlegustu stangakaupin í dag

Temple Fork Outfitters-fluguveiðistangirnar eru hannaðar með þrjú hugtök að leiðarljósi; nákvæmni, kastlengd og lyftikraft. Stangirnar eru á kynningarafslætti í Útilífi út júní.

Temple Fork Outfitters-stangirnar (TFO) þykja með þeim betri í dag, sérstaklega þegar miðað er við verð. Hinn frægi fluguveiðimaður Lefty Kreh hefur komið að hönnun fluguveiðistanga TFO. Hann hefur útskýrt þá hugmyndafræði sem býr að baki því að hanna góða fluguveiðistöng. „Við hjá TFO einbeitum okkur að þremur hugtökum þegar við hönnum fluguveiðistangir. Þau eru nákvæmni, kastlengd og lyftikraftur,“ lýsti Kreh.

Hugtakið nákvæmni endurspeglar með hvaða hætti línan, taumurinn

og flugan leggjast á yfirborð vatnsins. „Tilfinningin fyrir nákvæmni skiptir kannski litlu þegar rennt er fyrir stórfiski en hún getur skipt sköpum í silungsveiði í vatni eða straumá.“

Kastlengd er afar mikilvæg í fluguveiði en hugtakið er notað yfir það hve langt veiðimaðurinn kastar línunni út með stönginni. „Í sumum tilfellum skiptir hún ekki máli en í öðrum skilur hún á milli vel heppnaðrar veiði og engrar veiði.“

Lyftikraftur segir til um hvernig stöngin vinnur og hvort hún ræður við þungan fisk í miklum straumi og

í erfiðum aðstæðum. „Auðvitað getur engin ein stöng brugðist við öllum þessum hugtökum fullkomlega en TFO-stangirnar eru hannaðar með það að leiðarljósi að komast sem næst því,“ segir Kreh.

TFO-stöngin fyrir línu númer átta lenti í þriðja sæti yfir bestu stangir í sama flokki árið 2014 hjá Yellowstone Angler. Að sama skapi var stöngin valin „Best buy“ eða bestu kaupin.

TFO-stangirnar eru til sölu í Útilífi Glæsibæ. Þær eru á 20 prósentu kynningarafslætti út júní og kosta þá 59.990 krónur.

VEIÐIKORTIÐ
2014

Eitt kort
36 vötn
6.900 kr

www.veidikortid.is

ER ALLT KLÁRT Í VORVEIÐINA?

Verslaðu í einu sérhæfðu fluguveiðiverslun landsins



GUIDELINE

Alta vöðlur

Ný tækni, engir saumar. Vöðlur gerast líklega ekki betri en þessar.

LOOP
CROSS **SL**

Flugustangir

- Stöngin sem breytir leiknum -

Verið velkomin í verslun okkar á Langholtsvegi til að kynna af eigin raun hvernig Loop hefur tekist að þróa stöng sem kollvarpar öllu því sem menn héldu að enn væri hægt að bæta við flugustangir hvað gæði og eiginleika varðar.

Core jakki

GUIDELINE

Fullkominn jakki við íslenskar aðstæður. Frábær í útivistina.

PRIMALOFT
LIGHT 60G

Flugulínur

Línurnar frá Guideline eru algjörlega búnar að slá í gegn hjá íslenskum veiðimönnum.

Flugustangir

GUIDELINE

LXI tvihenda, nýjasta stöngin frá Guideline - sannkallað meistaraverk!

Fluguhjól

Einfaldlega yfirburða hjól frá snillingum Loop og Guideline.

Flugubarinn

Önnur eins gæði er erfitt að finna...

GUIDELINE

It's all about the experience

LOOP

Stóru merkin í Skandinavíu

HIGH PERFORMANCE
Scott
FLY RODS

SAGE

Og nú stóru amerísku merkin í Veiðiflugum...

LOOP
hefur fengið nýtt heimili
Nú færð þú Loop veiðivörur
í Veiðiflugum, einu sérhæfðu
fluguveiðiversluninni á Íslandi

VAXTALAUSAR RAÐGREIÐSLUR

Í 12 MÁN

Veiðiflugur

Langholtsvegi 111 | Sími: 527 1060

Njóta þess að vera saman

Mikið veiðisumar er í vændum hjá fjölskyldu Maríu Önnu Clausen. Stangaveiði skipar stóran sess í lífi stórfjölskyldunnar þar sem þrjár kynslóðir hafa löngum safnast saman við árbakkann. Veiðar eru góð leið til að kynna náttúruna fyrir börnum og unglingum.

Það er fátt skemmtilegra en að veiða með fjölskyldunni í fallettri íslenskri náttúru. Nær allir geta veitt sem gerir veiði að sérlega skemmtilegri afþreyingu fyrir unga sem aldna. Margar fjölskyldur hafa stundað veiði í áratugi og þá safnast gjarnan nokkrar kynslóðir saman við árbakkann þar sem þeir eldri kenna þeim yngri réttu aðferðirnar. Ein þeirra stórfjölskyldna sem veitt hafa saman í áratugi er fjölskylda Maríu Önnu Clausen en hún og eiginmaður hennar, Ólafur Vigfússon, reka saman verslunina Veiðihornið. María segir öll sumur undirlögð af veiði og þar taka allir fjölskyldumeðlimir þátt. „Þetta byrjaði með foreldrum mínum en þau hófu að veiða á bryggjunni fyrir vestan þegar þau voru börn. Síðar fluttu þau til borgarinnar og þá hélt veiðin áfram í hinum ýmsu vötnum og ám. Við systkinin erum því alin upp við veiðar og í öllum útilegum voru veiðistangir teknar með. Við veiddum helst silung og stundum var hann eldaður um kvöldið eða

þá bara tekinn með heim. Sjálf er ég meira fyrir að veiða lax en silung þótt öll veiði sé auðvitað mjög skemmtileg.“

Stöngin alltaf með

Seinna meir þegar María og Ólafur eignuðust börn voru þau tekin með í útilegurnar og auðvitað voru veiðistangir með í för. „Fyrstu árin ferðuðumst við mikið saman, foreldrar mínir, við hjónin og börnin okkar. Þá voru þrjár kynslóðir saman við árbakkann og veiddu. Pabbi hafði mikla ánægju af því að segja okkur og strákunum til við veiðarnar og fékk mikið út úr því ef börnin veiddu vel.“

María segir afar mikilvægt fyrir börn að kynna náttúrunni og að veiðar séu góð leið til þess. „Börn í dag eru ekki eins mikið úti í náttúrunni og áður fyrr. Veiðar gefa þeim kost á að eiga góðar stundir með fjölskyldu sinni. Það skiptir svo miklu máli; að njóta þess að vera saman úti í náttúrunni.“

Fjörugt sumar

Gott veiðisumar er fram undan hjá þessari miklu veiðifjölskyldu. Hún



María með væna bleikju úr Vatnsdalsánni árið 2012.



Veiðihjónin ásamt sonum sínum þremur við Norðurá.

hefur átt sama hollid í Eystri-Rangá í rúmlega 20 ár þar sem hún veiðir lax. Auk þess hefur hún veitt mikið í Stóru-Laxá, Soginu og Norðurá. María segir stefnuna einnig vera setta á Vatnsdalsá, auk þess sem þau hjónin ætli í Hítará. „Ég er líka meðlimur í kvannahópi sem hefur veitt saman undanfarin tíu til tólf ár. Ég fer með þeim í veiði í maí og svo aftur í ágúst. Svo kíkir maður á



Þrjár kynslóðir saman við Þingvallavatn árið 1990. María heldur á syni sínum.

MYND/ÚR EINKASAFNI

Þingvelli í sumar, enda stutt að fara og skemmtilegt að veiða þar.“

Hún segir ekki erfitt að kveikja áhuga barna og unglinga á veiði. „Ég held að aðalatriðið sé bara að fara af stað og vera um leið ekkert að pressa of mikið á þau. Börn þurfa ekki að veiða allan daginn heldur fá að gera þetta á eigin forsendum. Yfirleitt finnst þeim gaman að veiða og þá er fínt að

byrja með flotholt og flugu eða flotholt og maðk, eða bara spún. Svo er alltaf hægt að leika sér á bakkanum og finna sér eitthvað að gera því börn hafa sjaldnast úthald í að veiða allan daginn. Það ýtir oft undir áhuga þeirra ef þau eiga veiðistöng sjálf. Þeim finnst gaman að eiga græjurnar og velja sjálf með hvaða hætti þau kasta út.“

VEIÐIÞORTIÐ

ÚT Á GRANDA

Grandagarði 3, 101 Reykjavík, Sími 552 9940 | Opið mán.–fös. kl. 9–18. Laugard. kl. 9–16.

Bátar

Jaxon slöngubátur 290 cm. 4 manna, 3 hólf + uppblásinn kjóllur. Eiginþyngd 45 kg. Breidd 150 cm. Lengd 290cm. Burðargeta 510kg.

Polir allt að 10 hómótor, árar, pumpa, harður botn, 2 bekkir, kemur í tösku, 2 ára ábyrgð. CE vottaðir. Fæst einnig 320 cm Verð 249.000 kr

Verð 229.000 kr.



Meiri uppl. á veidiportid.is

RAFMAGNSMÓTOR FYLGIR FRÍTT MED að verðmæti 49.900 kr. meðan birgðir endast.



Snowbee U bátur

Snowbee U bátur, þriggja hólfa

Fullt verð 27.900 kr

Vortilboð 19.900 kr.




Strandveiðiset

Jaxon 15 feta stöng, 6 legu stórt hjól, 250m af 100 punda ofurlínu, taumar, sökkur, beituteigja, beita og nælur fylgja. Fullt verð 43.390 kr.

Tilboð 34.900 kr. Okkar lang besta strandveiðiset!

Ódyrt byrjenda strandveiðiset Jaxon 15 feta stöng, 6 legu hjól, 250 metrar af 35 punda línu, taumar, sökkur og nælur. Fullt verð 23.800 kr

Tilboð 19.900 kr.



Flugustangarsett - Diskabremshjól - Línur

Flugustangarsett frá Jaxon.

Monolith er nýjasta stöngin frá Jaxon. Lína 4-5-6-7- eða 8.



Gott diskabremshjól, lína að eigin vali og góður hólkur. Fullt verð 38.900 kr. Tilboð 29.900 kr.

Polaroid veiðigleraugu

Polaroid gleraugu í miklu úrvali

Verð frá 2.990 kr.



Veiðihjól



Jaxon Dolphin Strandveiðihjól ódyrasta stóra strandveiðihjól okkar. 3 Legur auka spóla. Tekur 250 metra af 0,40mm línu. Verð 5.990 kr



Stórt og öflugt strandveiðihjól með 6 legum og auka spólu. Fæst í tveimur stærðum 650 og 750 sem tekur um 300 metra af 0,40 línu. Verð 8.950 kr



Nýtt strandveiðihjól frá Jaxon. 6 legur, 2 spólu sem taka mis mikið magn af línu og eru sér hannaðar til að kosta verði sem lengst, rústfríar legur. Tekur um 300 metra af 0,40mm línu Verð 15.900 kr



Jaxon Marion er ódyrt og gott 3 legu hjól frá Jaxon fæst í tveimur stærðum Verð 3.590 kr

Veiði í næsta nágrenni

Veiði er skemmtileg fjölskylduskemmtun og finnst flestum börnum gaman að veiða fisk. Í Reykjavík og nágrenni eru góð veiðivötn og getur verið gaman að skjóttast til dæmis eftir vinnu, hvort sem er með alla fjölskylduna eða veiðimaðurinn einn með sjálfum sér. Hér eru nokkur vötn þangað sem stutt er að fara til veiða fyrir íbúa höfuðborgarsvæðisins.

Elliðavatn

Vinsælasta veiðivatn höfuðborgarsvæðisins og afar gjöfult. Í vatninu eru bleikja, urriði, lax og stöku sjóbirtingur. Bleikjan var ríkjandi í vatninu en síðasta áratug hefur urriðinn



Vífilsstaðavatn er tilvalið til að æfa fluguköstin en vatnið er vinsælt á meðal veiðimanna.

MYND/VILHELM

sótt í sig veðrið og er nú að verða algengasta fiskitegundin í vatninu. Veiðitímabilið hefst á sumardaginn fyrsta ár hvert og lýkur því 15. september. Eingöngu er leyft veiði með flugu, maðk og spúni, en í Hólmsá má aðeins veiða á flugu.

Meðalfellsvatn

Lax og sjóbirtingur ganga úr Laxá í Kjós í vatnið. Mest veiðist af smábleikju í Meðalfellsvatni en einnig nokkuð af urriða, sjóbirtingi og laxi. Þar sem mikið er af smábleikju í vatninu er gaman að fara með börn þangað að veiða en leyfilegt er að veiða á flugu, maðk og spón.

Vífilsstaðavatn

Vatnið er vinsælt á meðal veiðimanna og þykir mörgum ómissandi að fara þangað á vorin til að fá fyrstu tökum ársins. Þess má geta að Vífilsstaðavatn er tilvalið til að æfa fluguköst. Í vatninu er einkum urriði og bleikja. Mest er um smábleikju en einnig veiðist töluvert af stærri fiski. Fiskurinn úr vatninu er mjög góður matfiskur.

Reynisvatn

Reynisvatn er skemmtilegur staður fyrir fjölskylduna til að veiða á, ekki síst fyrir byrjendur sem hafa kannski ekki mikla þolinmæði. Um árabil hefur bæði regnbogasilungi og laxi verið sleppt í vatnið og eru veiðileyfi seld á staðnum en þau gilda til ársloka 2014.

Kleifarvatn

Eitt af stærstu vötnum landsins og er frægt fyrir stórfisk en þar eru bæði bleikja og urriði. Veiði er heimil í öllu vatninu og þar má veiða allan sólarhringinn á flugu, maðk og spún.

Heimild: veidkortid.is

Það er öruggara að velja réttu dekkinn í veiðina

TOYO TIRES
driven to perform

BF Goodrich
Tires
TAKE CONTROL

MAXXIS

Jeppi stendur ekki undir nafni nema hann sé vel dekkjaður. Ef þú vilt nýta til fullnustu orku, aksturseiginleika og öryggi jeppans, skiptir sköpum að velja dekk við hæfi. Þegar dekk eru annars vegar búum við yfir áratuga reynslu og þekkjum þá eiginleika sem breytilegar akstursaðstæður kalla á þegar haldið er til veiða. Þetta er allt spurning um að velja réttu dekkinn.



Þjónustusími: 561 4200

Reykjavík • Fiskislóð 30
Reykjavík • Grjóthálsi 10
Reykjanesbæ • Njarðarbraut 9

**Bílabúð
Benna**
— Sérfræðingar í bílum —

Bílabúð Benna dekkþjónusta

Tangarhöfða 8 • Sími: 590 2045
Þjónustuborð: 590 2000

**Nánari upplýsingar
á benni.is**

BF Goodrich - All Terrain A/T

Fljótt flýgur fiskisagan í Útey

Á bænum Útey I við Laugarvatn verður nýveiddur silungur að sælgæti í reykhusinu. Í landi Úteyjar er einnig sívinsæll veiðistaður í Hólá og Laugarvatni og hægt er að kaupa veiðileyfi, nýveiddan silung og reykt hnossgæti heima á hlaði.

Hér í Hólá og Laugarvatni er eingöngu villtur silungur; feitur, fallegur og ákaflega bragðgóður,“ segir Elsa Svandís Pétursdóttir, sem ásamt eiginmanninum Skúla Haukssyni hefur verið ábúandi í Útey I í Bláskógabyggð frá árinu 1980.

„Þegar við settumst að í Útey fyrir 34 árum fórum við strax til veiða í vötnunum. Þá kom fyrir að einstaka veiðimaður renndi í hlað og óskaði eftir leyfi til veiða en fljótt flaug fiskisagan og alltaf verður vinsælla fyrir fjölskyldur í fríi og ferðamenn að renna fyrir fisk í landi Úteyjar.“

Útey I á veiðirétt í hluta Laugarvatns og að hluta á bökkum Hólár.

„Í nágrenni Laugarvatns er stór sumarbústaðabyggð og margir sem vilja renna fyrir fisk eða kaupa sér nýjan silung á grillið og í pottana eða reyktan ofan á brauð. Sama fólk kemur aftur og aftur, nýir gestir bætast við og nú koma í æ meiri mæli erlendir veiðimenn.“

Í Útey hefur ávallt verið góð veiði og nú um mundir er mikið um urriða. Þegar hlýnar í veðri tekur svo bleikjan við.

„Við opnuðum 1. apríl og þá komu tveir til veiða. Annar fékk tvo fiska en hinn átta; allt urriða úr Hólá,“ segir Elsa.

Veiðileyfi eru seld heima á bænum og er áin mjög skemmtilegt veiðisvæði.

„Þeir sem koma til veiða eru mjög ánægðir. Fólk ræður hvort

það sleppir fisknum eða veiðir sér til matar og ef það bitur ekki á erum við með nýveiddan silung til sölu. Þá fá börn undir fjórtán ára að veiða án aukagjalds með fullorðnum.“

Elsa og Skúli veiða í net úr Laugarvatni og Apavatni og selja nýjan silung heima á bæ og í verslanir, hótél og veitingahús í héraðinu. Þá selja þau reyktan silung í verslanir um allt land.

„Um leið og ís fer af vötnunum á vorin byrjum við að veiða. Silungurinn er vel rauður á hold og mjög ljúffengur grillaður og steiktur eða matreiddur á annan hátt,“ segir Elsa um silunginn, sem er flakaður og seldur ferskur.

Um þessar mundir eru tuttugu ár síðan þau hjónin tóku í notkun reykhus í Útey. Þar reykja þau árið um kring rómaðan Úteyjarilung en einnig reykja þau fisk fyrir veiðimenn eftir óskum.

„Reyktur silungur frá Útey þykir sælgæti og er galdurinn fólgin í afbragðs hráefni og vönduðum vinnubrögðum. Hráefnið skiptir mestu og það hvernig saltað er og verkað. Við höfum náð verulega góðum tökum á verkuninni og fjölskyldan hjálpast að ef með þarf; meira að segja barnabörnin sem koma í sveitina til ömmu og afa á sumrin.“

Elsa og Skúli reykja silung á þrjá vegu; með taði, birki og heitreykingu. „Heitreyktur fiskur er reyksóðinn og einstaklega ljúffengur. Reyktan silung er svo hægt að nota í ótal margt



Hjónin Elsa og Skúli.



Hér eru silungaflok í salti fyrir reykingu.

annað en að sneiða ofan á brauð. Sá heitreykti er til dæmis hnossgæti í pastarétti og með salatblaði og piparrótarsósu er kominn fínasti forréttur,“ segir Elsa sem er ekki komin með leiða á Úteyjarfisknum.

„Mér finnst hann alltaf jafn góður og í uppáhaldi er sá taðreykti en bóndanum þykir sá birkireykta betri.“

Veiðileyfi í Útey gilda bæði í Laugarvatni og Hólá og kostar dagur-



Á sumrin koma barnabörnin til ömmu og afa í Útey. Hér er Alex Skúli með afa sínum.

MYNDIR/ÚR EINKASAFNI

inn 2.700 krónur. Hægt er að kaupa sumarkort á 17.000.

Ný flök eru seld heima á bæ yfir sumartímann en líka í eftirtöldum verslunum: Versluninni Borg, Grímsnesi, Samkaup/Strax og Galleríinu á Laugarvatni.

Sjá nánar á utey.is.

Pastasalat með silungi

280 g spaghetti eða núðlur
200 g mozzarellaostur

120 g heitreyktur silungur (má líka nota birki- eða taðreyktan)

1 stk. agúrka

1 búnt basilíka

ólífuolífa og salt

Sjóðið pastað „al dente“ og sigtið. Skerið silung, agúrku og ost í litla bita og blandið saman við kalt pastað ásamt olíudreitli og saltið eftir smekk. Rífið eða klippið basilíku-laufin yfir.

Metnaðarfull veiðiverslun

Fjölmargar nýjar veiðivörur eru í boði hjá versluninni Veiðivörum fyrir sumarið. Verslunin býður upp á mikið úrval stangaveiðivara þar sem finnska gæðamerkið Vision er í fyrirrúmi. Veiðivörur reka tvær verslanir, eina á Akureyri og aðra í Reykjavík.

Útivistar- og veiðiverslunin Veiðivörur hefur um nokkurra ára skeið boðið veiðimönnum landsins upp á fjölbreytt úrval veiðivara fyrir allar tegundir veiði. Verslunin býður upp á sérlega glæsilegt úrval af veiðibúnaði fyrir stangaveiði að sögn Matthíasar Þórs Hákonarsonar, framkvæmdastjóra verslunarinnar. „Stærsta vörumerkið okkar er Vision sem er finnskt gæðamerki. Þetta merki er raunar stærsti framleiðandi og söluaðili á Norðurlöndum og býður upp á langbreiðasta vöruúrvalið. Við seljum mikið úrval frá þeim af stöngum, hjólum, línum, vöðlum, jökkum, tóskum og bara öllu því sem viðkemur stangaveiði. Auk þess bjóðum við upp á mikið úrval smáhluta frá þeim.“

Veiðivörur bjóða ekki einungis upp á vörur fyrir vana veiðimenn heldur líka byrjendur. „Við erum einnig með mikið úrval af vörum frá undirmerki Vision sem heitir Keeper. Það er einnig mjög gott og vandað vörumerki sem býður upp á allt það helsta fyrir veiðimanninn en á aðeins hagstæðara verði. Það má því segja að hér sé boðið upp á allt fyrir stangaveiðina í ólíkum vöru- og verðflokkum en gæðin eru alltaf í fyrirrúmi hjá okkur. Verðið hér er tiltölulega lágt miðað við gæðin.“

Nýjar vörur

Meðal nýrra vara sem Veiðivörur leggja áherslu á í sumar eru nýju tvíhændurnar frá Vision. „Þessi tvíhenda, sem ber nafnið Tool, var valin besta nýja tvíhendan í veiðiblaðinu virta Trout and

Salmon nýlega. Þessi stöng er frekar hröð tvíhenda sem kom okkur mikið á óvart. Hún lítur öðruvísi út en aðrar tvíhendur og virðist ráða við hvaða flugur sem er.“

Matthías nefnir einnig nýja vöðluskó frá Vision sem heita Loikka. Þeir eru af rakstur fimmtán ára vöruþróunar hjá Vision. „Þetta eru langbestu skór sem við höfum prófað og höfum við prófað þá marga. Nú er búið að koma í veg fyrir öll þessi vandamál sem tilheyra vöðluskóm en samt eru þeir með þeim léttari sem eru í boði. Þeir eru með nýjum gúmmíbotni sem gefur gott grip.“

Að lokum nefnir Matthías nýtt fluguveiðihjól frá Vision sem heitir Variverse. „Þetta er eina hjól sinnar tegundar í heiminum. Það hefur einstakt bremsu kerfi á hjólinu og er algjörlega einstakt í sinni röð þegar kemur að léttleika og einfaldleika búnaðarins.“

Veiðivörur bjóða upp á gott úrval silungaflugna sem allar eru hnýttar héraðs af innlendum fagmönnum. „Þetta eru gæðaflugur sem eru mjög vinsælar. Það er notað mikið af útfjólubláum efni þannig að þær lýsast upp í sólarljósinu.“

Í dag er Veiðivörur með tvær verslanir. Sú eldri er staðsett á Akureyri en síðasta sumar var ný verslun opnuð við Síðumúla í Reykjavík. „Við keyptum veiðibúðina Hrygnuna síðasta sumar og opnuðum verslun þar. Um leið fengum við umboðið fyrir Vision-vörurnar og getum nú boðið þær til sölu í báðum verslunum okkar.“

Allar nánari upplýsingar um vörur verslunarinnar má finna á www.veidivorum.is.



Veiðivörur bjóða upp á mikið úrval veiðivara frá finnska gæðamerkinu Vision. MYND/STEFAN



Gott úrval veiðivara fyrir bæði vana veiðimenn og byrjendur.

Veidivörur.is



Síðumúli 37
581-2121

Hafnarstræti 99
462-1977

NÚNA ER RÉTTI TÍMINN TIL AÐ GRÆJA SIG UPP FYRIR SUMARIÐ !
VEIÐIVÖRUR FAGNA SUMRINU OG BJÓÐA ALLAR VÖRUR Á

**SUMAR
SPRENGJA**

20% AFSLÆTTI



Samstarfsaðilar um land allt

Kaupfélag Borgfirðinga, Veidiflugan á Reyðarfirði, SR Byggingarvörur á Siglufirði.

ORMATÍNSLA UM NÆTUR

Best er að tína ánamaðka um nótt og í hellirigningu. Því meira sem rignir, því fleiri ánamaðkar leita upp á yfirborðið. Ástæðan er sú að maðkarnir „anda“ gegnum húðina og bleytan gerir þeim þungt um „andardrátt“!

Notið vasaljós og laumist að þeim. Ánamaðkar skynja titring og skjótast hratt ofan í jörðina verði þeir varir við hreyfingu.



Þegar höndum hefur verið komið á ánamaðkinn verður að toga hann upp með lagni svo hann slitni ekki.

Ef jarðvegurinn er þurr og ekki útlit fyrir rigningu í bráð, má reyna að vökva lóðina hressilega til að lokka ánamaðkana upp á yfirborðið. Þá er sagt óráð að nota kemískan áburð á lóðina ef tína á þar ánamaðka en nota heldur húsdýraáburð á blettinn. Þá er einnig sagt að mest sé um ánamaðka í vel hirtum gördum.

Heimild: Vísindavefur Háskóla Íslands.

**VEITT OG SLEPPT**

Þeim veiðimönnum fjölga sem sleppa stangveiddum fisk. Mikilvægt er að bera sig rétt að. Á vef Veiðimálastofnunar er að finna greinargóðar leiðbeiningar.

- Mælt er með að nota króka án agnhalds og sterka línu.
- Of stórir krókar geta rifð illa en smáir krókar eru oft kokgleyptir. Þá er betra að nota króka sem ryðga því þá er möguleiki að skera á línuna því krókurinn brotnar niður og eyðist.
- Þegar fiskurinn hefur verið veiddur á að varast að lyfta honum upp úr vatninu. Háfar geta farið illa með slímhúð og hreistur.
- Hvorki á að snerta tálkn né augu.
- Varast ber að lyfta fisknum upp á sporðinum. Þá á að bleyta hendur áður en fiskur er handleikinn því þurrar hendur geta fjarlægt slímhúð.
- Öngullinn á að losa sem fyrst, mjúkum höndum og helst undir yfirborði vatns.
- Nota á töng með góðu gripi til að ná önglinum úr fisk.
- Ef öngull er illa fastur og ekki hægt að losa hann án þess að særa fiskinn enn meira, á að klippa á línuna sem næst önglinum og láta hann vera.
- Ekki má eyða of miklum tíma í losun önguls.
- Forðast á að vigta fiska, fremur á að nota lengdarstiku og áætla þyngd út frá því.
- Ef fiskur er slappur skal snúa honum á móti hægum árstraumi, þannig er honum best hjálpað við að ná eðlilegri öndun á nýjan leik.
- Stórir fiskar þurfa oft lengri tíma til að jafna sig en þeir smærri.
- Ekki skal sleppa fiski sem er mjög slappur eða mikið skaddaður. Blæðing úr tálknem og mikið hreisturlos eru vísbendingar um að fiski verði ekki bjargað.

Sushi við árbakkann

Gott nesti er nauðsynlegt í veiðiferðum enda eyða veiðimenn oft löngum tíma úti við, langt frá veiðiskálanum. Flatkökur og hangikjöt, samlokur og drykkjarföng eru oft með í för en það er skemmtileg tilbreyting að slá upp einfaldri sushi-veislu við árbakkann. Það er óþarfi að flækja hlutina of mikið og því upplagt að einblína á sashimi, sem er sushi án hrísgrjóna, og nigiri, þar sem uppistaðan er grjón og hrár fiskur.

Lax og bleikja hentar mjög vel í

sushi en þeir ævintýragjarnari geta líka spreytt sig á urriðanum.

Sashimi er einfalt í framkvæmd. Fiskurinn er sneiddur í þunnar sneiðar eða litla kubba. Það er hægt að útbúa ponzusósú áður en haldið er úr húsi en hún samanstendur af sojasósú og safu úr sítrusávöxtum. Einnig má bera fram sojasósú, súrsað engifer og wasabi-mauk með fiskinum.

Nigiri krefst aðeins meiri undir-

búnings. Þá eru sushi-grjónin soðin í veiðiskálanum áður en haldið er af stað. Þegar matreiðslan hefst eru grjónin mótuð á réttan hátt og þunnar fisksneiðar lagðar ofan á. Á milli er venjan að smyrja ör-litlu wasabi-mauki og bera fram með sojasósú.

Góður hnífur og bretti eru einu áhöldin sem þarf til að útbúa þessa veislu. Þrjónar eða guðsgafflarnir eru síðan nýttir til að snæða veitingarnar.

**Bakpokavesti**

Sérlega gott þar sem þarf að ganga. Frábær hönnun ghoft verð.

Kr.16.900

**Silver Sonic**

saumlausar öndunarvöðlur Hágæða vöðlur á lægra verði.

Kr. 49.900

**Airflo fluguveiðisett**

Airflo 9' 6/7# 4 parta Carbon flugustöng Graphite fluguhjól með línu á Airflo Velocity WF7 Flotlína og undirlína Hólkur fyrir stöng Taumur Flugubox með flugum Veiðigleraugu

Kr. 18.900

Airflo Delta Classic fluguveiðisett

Flugustöng hólkur og poki Airflo Classic fluguhjól +3 auka spólur Airflo Velocity flugu lína undirlína

Kr. 28.900

**Airflo**

Öndunarvöðlur á tilboði

Kr. 24.900

**Airflo Sniper fluguhjól**

Létt hjól úr málmi með diskabremsu. Lína að að verðmæti Kr. 4.900 fylgir

Kr. 8.900

**Airflo elite fluguveiðisett**

Airflo Elite fluguveiðisett Hágæða grafit stöng, fluguhjól úr léttmálmi með ásettri Super Dri flugulínu með belg sem veitir fljóta og auðveldla hleðslu. Skilvirk flugulína Stangarhólkur Undirlína og taumur

Kr. 29.900

Vesturröst

Sérverslun veiðimanna - Laugaveg 178 - sími: 551 6770 - www.vesturrost.is